

núna

helgín framundan

JÓN ATLI HELGASON

Ég fer ég í afmæli á föstudagskvöldið hjá Silfurrefnum. Þar ætla ég að spila og tralla eitt laußlétt lag. Nýtt myndband með GusGus var líka að koma út, sem ég og Heimir Sverrisson leikstýrdum, þannig að maður verður að pósta því út um allar netgrundir. Annars ætla ég bara að vera léttur í lund og njóta þess að voríð sé að koma.



Peaches langar í sund

Undirbúningur fyrir Reykjavík Fashion Festival er á síðasta leggnum og ljóst að hátíðin verður hin glæsilegasta bæði hvað varðar tísku og tónlist. Söngkonan Peaches sem kemur til landsins í næstu viku hefur samkvæmt heimildum Föstudags beðið sérstaklega um að fá að synda í Bláa lóninu og fara upp í sveit að sjá íslenska náttúru.

Einnig vill hún fá mjög öflugar víftur á sviðið á Nasa. Augljóst er að hún býst við miklum hita og svita á tónleikum en enn eru til nokkrir miðar á þennan ómissandi viðburð.

Tímaritið Clash Magazine hefur staðfest komu sína en þeir munu dekkja tónleikaumfjöllun á hátíðinni. Þeir sem þekkja til í tískuheiminum muna eflaust eftir WGSN sem er fyrirtæki sem spáir fyrir um komandi tískuströmu og er notað af flestöldum þeim sem vinna í bransinum. Að lokum má geta þess að Yvan Rodic, betur þekktur sem Facehunter, hyggst mæta til landsins í fjórða sinn til að mynda tískusnótir og tappa á hátíðinni.

- amb

Listamaðurinn Davíð Örn Halldórsson:

Málar borð á Bakkusi

Ég er góður vinur Jóns Pálmaris Sigurðssonar sem rekur Bakkus og málaði stóra mynd sem hangir þar fyrir aftan barinn. Það má segja að þetta hafi verið sjálf-sagt framhald,“ útskýrir Davíð Örn Halldórsson sem frumsýnir sjö litrík borð á barnum Bakkusi í kvöld. Það má ætla að sérhvert borð sé nokkurs virði en Davíð Örn er einn frambærilegasti listmálari ungu kynslóðarinnar um þessar mundir og sýnir verk á samsýningu í Listasafni Reykjavíkur sem nefnist Ljósílitlífur. „Borðin eru sjö talsins og voru nokkuð fljótgerð. Ég nota spreng og málningu og nota heklaða dúka og skapalón til að ná fram mynstrum. Okkur langaði aðallega til þess að fá glaðlega liti inn á barinn.“

Davíð Örn segir þetta ekki í fyrsta sinn sem hann hefur hannað slík verk þar sem hann hafi málað og skreytt húsgögn á meðan hann var í Listaháskólanum. „Ég hef gert verkefni fyrir vinafólk en þó aldrei gert svipað verk og hér á Bakkusi,“ útskýrir hann.

Viðtökur á borðunum, sem hefur verið komið fyrir undanfarnar vikur á Bakkusi, hafa verið afar góðar. En hvernig finnst honum að það hellist bjór og annað sull yfir listaverkin? „Það er nú bara skemmtilegur fórnarkostnaður,“ segir hann og hlær. „Við höfum auðvitað reynt að hafa borðin þannig að það sé auðvelt að þurrka



Það má sullu á listaverkin Davíð Örn Halldórsson ásamt Jóni Pálmar Sigurðssyni á Bakkusi sem eitt sinn var hluti af Gauknum.

FRÉTTABLAÐIÐ/PJETUR


af þeim.“ Spurður um hvað sé framundan í listinni segist Davíð Örn vera á skemmtilegum stað.

„Síðasta ár var mjög hektískt hjá mér og nú hef ég meiri tíma

til að mála á vinnustofunni minni og er að taka að mér lítil og sniðug verkefni. Til dæmis var ég að kenna námskeið í Kvinnaskólanum í Reykjavík og málaði eina

stóra mynd með fimmtán krökkum. Það var virkilega gaman og afraksturinn er núna að þorna í Hafnarhúsinu“

- amb



Ný sending af sundfatnaði komin

www.eirberg.is • 569 3100 Stórhöfða 25

Hollywood-útlitið í veskið

Komin er á markað ný fördunarína frá Estée Lauder sem nefnist Very Hollywood og er unnin í samstarfi við bandaríska tískuhönnuðinn Michael Kors. Vörurnar minna á gullaldarar Hollywood og eru í fallegum umbúðum sem minna á fyrri tíma. Michael Kors er þekktur fyrir nútímalega og kynþokkafulla hönnun og einkenni línunnar eru svört skyggð augu og fölbléikar varir og neglur. Einstaklega flott og fullkomið á árhátíðina.

- amb

Harpa Einars og Brynhildur Guðjóns selja utan af sér:

Tæma fataskápana

„Ég gerði þetta líka í fyrra og þá seldi ég nánast öll fötin mín. Það var áður en ég flutti út til Atlanta. Núna er ég aftur komin með slatta af dóti svo það er kominn tími á að endurtaka leikinn,“ segir Harpa Einarsdóttir fatahönnuður sem ásamt leikkonunni Brynhildi Guðjónsdóttur ætlar að selja fót beint úr fataskápnunum sínum á laugar-daginn.

Brynhildur verður meðal annars með flikur frá Munda og Aftur, auk ýmissa annarra fallegra flika. Mest af því sem Harpa verður með til sölu keypti hún í Goodwill-búðum úti í Atlanta,

sem hún segir gullnámu. „Þarna úti hafa þeir ekki mikinn sans fyrir því hvað þeir liggja á miklu gulli í þessum búðum. Ég fyllti heilu ferðatöskurnar áður en ég fór aftur heim, af 90's fötum sem ungu stelpurnar hér heima vilja ganga í, en þykja ógeðslega hallærisleg þarna úti.“

Markaðurinn verður opnaður klukkan tólf á laugar-daginn í Barber Theater á Hverfisgötu 37.

Brynhildur og Harpa Selja úr fataskápnunum.



- hhs



STUTT KLIPPT LÍSA Leikkonan Mia Wasikowska, sem leikur aðalhlutverk í Lísu í Undralandi var glæsileg á frumsýningunni í London.

föstudagur

Útgáfufélag 365 miðlar ehf. Forsíðumynd Anton Brink Útlitshönnun Kristín Agnarsdóttir Auglýsingar Sigríður Dagný Sigurbjörnsdóttir sigridurdagny@365.is sími 512 5462 Ritstjórn Anna M. Björnsson Föstudagur Skaftahlíð 24, 105 Reykjavík, sími 512 5000